

# هاشتاج "الأهلي مش للبيع" يستعرض قرار ملايين المشجعين بالرد على "أديب"



الخميس 29 سبتمبر 2022 07:55 م

بعد طرح الذراع الإعلامي عمرو أديب اقتراحاً لبيع بعض أسهم النادي الأهلي في البورصة لبناء إستاد خاص به، تصدر تريند هاشتاج #الاهلي\_مش\_للبيع، في اعتراض من جمهور الأهلي على الخطة التي يلح لها عمرو أديب

وألمح الناشطون إلى أن قرار بيع النادي الأهلي وطرح أسهمه في البورصة وراءه جهة سيادية أو عبدالفتاح السيسي نفسه، وأن النية هي جس النبض لبيع النادي للرياض أو لأبوظبي، لاسيما وأن مدير الجهاز الفني للنادي الأهلي اللاعب السابق فيه السيد عبدالحفيظ اعتذر الخميس عن الظهور على شاشة (mbc مصر) وألقى اللقاء مع القناة التي تتبع الكفيل السعودي

وأشار الناشطون إلى أن تسلسل الاحداث بدأ بتسريب العرض القطري لرعاية الأهلي وهو ما يعني أن شعار الخطوط الجوية القطرية على قميص الأهلي وجاء عن من طريق شركة الكره (المتحدة) التابعة للمخابرات، ثم استقالة شركة الكرة، ومن ثم التعاقد مع المتحدة للوساطة، وبمجرد تسريب اقتراب القطرية من رعاية الأهلي، وإعلان عمرو أديب أنه لا يقبل بالعرض انتهى العرض القطري، والآن مع تعيين شركة كره جديده برئاسة عدلي القيعي وعضوية عوض

وقال عمرو اديب عبر (mbc مصر): "عايز أقول الأهلي لو نزل وطرح أسهم شركاته في البورصة كام واحد هيشترى، طبعا هيقولوا عمرو أديب عايز يبيع النادي الأهلي، لا النادي الأهلي موجود والجزيرة موجودة والخطيب موجود وحسين الشحات موجود" إنما في النهاية النادي عايز شوية فلوس يعمل استاد في مدينة نصر ومدينة 6 أكتوبر مش بقول اختراع دي وسيلة من وسائل التمويل الواضحة".

واستطرد: "المستثمر دايمًا يبص على البلد اللي هيستثمر فيها بترحب بالمستثمرين ولا لأ، إحنا لا نرحب بالمستثمرين كويس يا على المستوى الشعبي نكد عليهم أو على المستوى الحكومي نعملهم بيروقراطية، أنا صديقي مستثمر عربي قالي أنا أكثر أرباح بعملها في مصر".

وقال محمود هاشم على "تويتز": "أطل علينا الثعبان الأقرع ( عمرو الغير أديب ) المتحدث الرسمي باسم الجهة السيادية التي تعمل ضد الأهلي بتصريح بالونة اختبار مثلما فعل في عقد رعاية الشركة القطرية والله الاهلي مش للبيع الأهلي محتاج جمهوره أكثر من أي وقت فات لازم نقف ورا نادينا وندافع عنه باستماتة".

وأضاف ميزو، "بعد تأكيدات من بعض الصحفيين القطريين قبل الصحفيين المصريين إن القطرية تسعى لرعاية النادي الأهلي بل وصل بعضهم للإعلان إن العقد تم فعلا" فجأة الخطوط القطرية بقت خارج الصورة تماما" فجأة برضه يخرج عمرو أديب بتصريح: أنا كمشجع مصري مش بالغ أشوف الأهلي بتبشرت القطرية" مش غريبة شوية".

## بالع فكرة

وفي تصريحه السابق عن الرعاية القطرية قال عمرو أديب: "أنا كعمرو المواطن المصري الزملاكووي مش بالغ فكرة أن الأهلي يلبس التيشيرت اللي عليه الخطوط الجوية القطرية" الكلام الأيام اللي فاتت أن كان في مفاوضات أتلتت متلغتت هما حطوا فلوس زيادة حطوا فلوس أقل أنا مش بالغ الحكاية دي" أنا مش أهلاوي ومش بالغ أشوف الأهلي حاطت الخطوط القطرية على صدره".

وتابع: "أنا شخصيا الموضوع بالنسبالي مش لطيف مش ظريف مش خفيف مش بالعه خالص خصوصا أنك في مصر عندك نقي يا باشا ده النادي الأهلي نقي الراعي بتاع التيشيرت بتاعك ده انت عندك شركات اتصالات وأكل وجبنة وعربيات مجاتش على الخطوط الجوية القطرية أنا بقول رأيي".

واستطرد: "ناس كتير بتقول ده بيزنس وأنت عارف أن القطريين حاطين فلوس ضعف أي راعي تاني طب والأهلي هيغلب يعني؟ ياعم ما تعلي المزاد وتسال ايه سر اهتمام الخطوط القطرية أنها تبقى على تيشيرت النادي الأهلي وبقولها على لساني بقوة لأنه نادي الأغلبية المصرية".

### الأهلي خط أحمر

وأجمع الناشطون على أن النادي الأهلي خط أحمر وأن مشجعوه بصدد التضحية بنفسهم إن تم المساس بإدارته أو تفتيته، وقال محمد حسين (Mohamed Huseein) على فيسبوك: "هاشتاج الأهلي مش للبيع يتصدر تويتر .. مش كفايه هاتبيعوا في البلد زي ما قال الخطيب الأهلي مش للبيع والأراجوز الأقرع تمهيد لكلام الكبار .. الأهلي خط أحمر .. الأهلي لمن صنعوه ومن صنعوه هم مشجعوه" وجمهوره ده حماه".

وأضاف حساب (الأهلي المصري)، "معلومة مهمة عمرو أديب لما يبطلع ويصرح بأي موضوع علي الاهلي يحصل قبل يومين هاجم الخطوط القطرية لأنها كانت قريبة من رعاية الأهلي وفعلا الأمور توقفت النهاردة بيلمح بيع النادي للمستثمرين عمرو أديب واثق إن في أشخاص كبار في الدولة عايزين يبيعوا الأهلي للمستثمرين العرب وانتم عارفين مين هو عرضوا عليه الزمالك ورفض طالب الأهلي بالاسم لأنه عارف إن الأهلي اسم كبير ومكسب كتير علي جماهير الأهلي يقفوا خلف الكيان الكابتن الخطيب مطلعش قال الأهلي ليس للبيع من فراغ أكيد كان عارف بالموضوع".

وجاءت مشاركة الحساب عبر هاشتاغات #الاهلي\_مش\_لليبيع و#احذرو\_غضب\_جماهير\_الاهلي بشعار (احذرو غضب جماهير الأهلي احنا مش أعلى من ٧٤ شهيد).

### ملايين الجماهير

ولفت أحمد الصعيدي إلى أن جماهير نادي القرن بالملايين وكتب، "دى رسالة لكل من تتسول له نفسه لبيع النادي الأهلي .. عشرات الملايين من جماهير الأهلي يرفضون بيع النادي الأهلي ولا حتي نادي الزمالك لأنهم أكبر الأندية في مصر و أفريقيا والأهلي و الزمالك مهما كان بينهم مشحنات و تحفيلات و خلفات لآكن في النهاية هم قطبي الكورة في مصر و أفريقيا وبدون هذا الناديين تنتهي الكورة في مصر .. الأهلي مش للبيع نقول تاني(الأهلي) مش للبيع يا عمرو".

وأضاف تامر زيدان (Tamer F Zedan)، "انتبهوا يا شعب الاهلي :- هذا الثعبان الاقرع اللي بوقه يبطلع سم بعد تمهيد انه مش طايق يشوف الخطوط القطرية على تيشيرت النادي الأهلي وباظت الرعاية للنادي طالع دلوقتي بيمهد لطرخ النادي الأهلي كاسهم للبيع في البورصة ياتري الكلام دا طالع من هنا ولا من ترك اللي هو شغال عنده دلوقتي ربنا يثبتك يا بيبو علي كلمتك إن النادي الأهلي مش للبيع وإن النادي ملك لجماهيره واعضاؤه".